

## 2 PEDRO

### *Pedro queétdih ã túyat túutat*

<sup>1</sup> Weém, Pedro, Jesucristo ã naáwát túutni, caandíh teo wáhnibut jumna, yeebdíh wã jwúub daác wahna caá. Jesucristo jwiít dih túi ubni, Dios ã jumna caá. Caán yoobóp dih chãjni jumna,\* jwiít nihatdih oinit, ã teo wáacachah, bíc yoobó caandíh jepahnit jwí jumna caá. Pánih jepahnit, jwiít nihat bíc yoobó áihwã jumna, caandíh búdí jwí wěina caá. <sup>2</sup> Diosdih, jwí Maáh Jesús dihbut ñi túi jéihyechah, yeebdíh búdí oinit, ï teo wáaca naáh, ñi túi jummat pínah niijná.

### *Nin pah Cristoíhwã ï jummat*

<sup>3-4</sup> Dios túini, nihat jéihni jumna, jwiít dih át ñíwip wut jĩ, áihwã jwí jummat pínah niijná. Páant ã ñíwatdih jéihna, caandíh jwí túi jepahna caá. Páant jwí jepahachah, ã wēpatjĩh jwiít dih búdí ã teo wáac bipna caá, caandíh jéihnit, túi chãjnit jwí jummat pínah niijná. Dawá túini naáwát nadih jwiít dih át naóh jip tagaá, ã jummat pah jwiít but jwí jummat pínah niijná. Páant ã naáwát jidih ñi túi joyóchah, ã wēpatjĩh Diosdih jéihcannit yeejépdih ï en ñinahat pah chãjcan, yeéboó ã náahat pahjeh túi chãjnit ñi jum bipna caá. <sup>5</sup> Pánihna, Cristodih túi jenah joinít jumna, túi chãjnit but ñi jumúú. Pánih jumna, Dios naáwát dih ñi túi míc bohénaá, ded pah yeebdíh ã náah yacat pínahdih ñi jéihyat pínah niijná. <sup>6</sup> Dedé yeejépdih chãjihatdih yap yohnit, Dios ã náahat boodíh chãjnit ñi jumúú. Pánih jumna, dedé yeejépdih yeebdíh ã yapachah yuhna, bíc yoobó túi chãjnit, Diosdih wěina, ã náahat pah

---

\* 1:1 Tit 2.13

chājnit ñi jumúú. <sup>7</sup> Pánih jumna, bíc weh pah oinit, túi míc teo wáacnit, nihat bitadihbut túi oinit ñi jumúú.

<sup>8</sup> Det pánih jumna, yeó jáap jumat pah Cristo ã weñat pínahdih túi chājnit, caandih chah ĩ túi jenah joibpna caá. Pánihna, Cristodih ĩ túi jenah joyát, bitadih ĩ teo wáacatbut oboh jumni nihcan niít. <sup>9</sup> Obohjeéhtih, det pánih chājcan, túi jéih encannit panihnit, Dios naáwát dih túi jéihnit nihcan caá. Cristo ĩ yéejatdih ã yohatjidih quíib buúdnít ĩ jumna caá. <sup>10</sup> Wã déewã panihnitá, áihwã ñi jumat pínahdih Dios yeebdih ã ñíwíchah, ñit túi jepahap taga. Pánih jepahnit jumna, caandih túi jenah jói cádahcan, ã náahat pah ñi túi chājaá. Pánih chāj cádahcan, yoobópdih ã ñífonit jumna, páantjeh Diosjeéh ñi jumat pínahdih ñi túi jéihbipna caá. Pánih jéihna, yeejép chājnit nihcan, <sup>11</sup> jwiít dih túi ubni jwí Maáh Jesucristo ã jumupna ñi túi juibí bípna caá. Pánihna, áihwã yoobát ñi jumuchah, yeebdih ã wēi jwááh bípna caá, páantjeh ã maáh jumupboó ájeéh ñi jumat pínah niijná.

*Á bohéátjidih ã náhniat túutat*

<sup>12</sup> Yeebdih wã bohéátjidih túi jéihnit, nihat Dioh doonádih ñi joyátji pahjeh ñi túi chājna caá. Páant ñi chājachah yuhna, caandih wã jwúub náhniabipna caá. <sup>13-14</sup> Wã wunat pínah bahnijeh ã jūdhdadit dih jwí Maáh Jesucristo weemdih ã jéihyanap be. Páant ã jéihyanachah, wã báadh jwuhna, wã bohéátjidih yeebdih wã jwúub náhniachah, ã túina caá. <sup>15</sup> Pánihna, nin núodih yeebdih wã daác wahna caá, wã buúdat túttimah nihat wã naáwátjidih ñi túi náhniat pínah niijná.

*Cristo ã wēpat*

<sup>16</sup> Cristo ã wēpatdih, ã jwúub dei jūúwát pínahdihbut yeebdih naóhna, cáacwã ĩ jenah joiní naáwát najeh naóhna jwí chājcap be. Obohjeéhtih, jwiít ã bohénitjiboó

wěpni ã jumatdih jwiítjeh jwĩ enep jĩ. <sup>17</sup> Jwĩ íip Diosboó Jesucristo chah wěpni ã jumatdih jwiítidih ã júutuchah, búdí yeh iigát cātíh ã ñuhup jĩ. Páant ã ñuhuchah, Dios nin pah ái wěp niijíp jĩ: “Nin wã wũúh, wã oini caá. Caandíh búdí wã wěina caá”, ái niijíp jĩ. <sup>18</sup> Dios ã jumni jeejboó jwiít Jesúsjeéh jumnit, jeámant páant ã niij yáanachah, jwiítjeh jwĩ joyóp jĩ.\*

<sup>19</sup> Pánih caandíh ennitji jumna, Dios naáwátidih naóh yapanitji ã daacát yoobópdih ã jumatdih jwĩ túi jéihna caá. Páant ã daacátjidih míic bohénit, ñi túi jepahaá. Nin baácdih moón Diosdih jéihcannit dupúat panihpboó ã jumna caá. Nin dupúnarboó jum jwuhnit, jon játih ã daacátjidih ñi túi bohénachah, jiiát panihni yeebdíh ã túi jéihyabipna caá. Cristo jwúub dei jũóhna, ã íip ded pah ã jumatdih ã túi jéihya beedábipna caá. <sup>20-21</sup> Nin wã naáwát pínahdíh ñi túi beh joyoó: Dios naáwátidih naóh yapanitji ã jenah joyátjijeh ít daácjican tagaá. Obohjeéhtih, Túini Espírituboó queétdih ã naáwát túutat pahjeh ít naóh daácjip taga. Pánihna, ã daacátjidih jwiítboó jwĩ jenah joyátjijeh bohéna, “Nin pah niijná caá ã chãjap”, jwĩ jéih niijcán caá. Túini Espiritu ã teo wáacatjijeh jwĩ jéih beh joiná caá.

## 2

### *Yee bohénit ded pah ã jummat*

<sup>1</sup> Jon játih jwĩ déewã judíowã yuhna, biquína “Dios naáwátidih naóh yapanit caá”, niij yeenit ít jumup wut jĩ. Páant ã jummatji pahjeh muntih, buubut ñijeéh jumnit bíic yoobó yeenit ã jumbipna caá. Queét yoobópdih bohénit pah jumna yuhna, ã yee bohébipna caá. Pánih bohéna, Cristofíh túini doonádih ã yéejabipna caá. “Cristo ã túi

\* 1:18 Mt 17.1-5; Mr 9.2-7; Lc 9.28-35

ubnit jwĩ jumna caá”, niijná yuhna, “Caán jwĩ Maáh caá”, niij jenah joicán, ã wutatdih ï jepahcan niit. Páant ï yee bohéat jíib, waícanjeh Dios queétdih peéh chājnit, iiguípna ã wahbipna caá. <sup>2</sup> Páant ï yee bohénachah joinít, yeejép ï chājat pah muntih, dawá Jesúhwā biíc yoobó yeejép ï chājnipna caá. Páant yeejép ï chājachah ennit, bitaboó túini doonádih yeejép ï wéhebpna caá.\* <sup>3</sup> Dawá bií déedih náahna, ï bohéat jíib búdí jíib waadánit, ï jenah joyátjihjeh yeebdih ï yee bohébpna caá. Páant ï yee bohéatji jíib Dios jon jātih queétdih peéh chājat pínahdih ã jenah joyát pahjeh, iiguípna ã wahbipna caá.

<sup>4</sup> Jon jātih Dios yeejépwādh ã peéh chājatjidih ñi túi náhninaá. Caandih jepahcannit ángelwā ï jepahcatji jíib, iiguípna yohnit, dupuni tólihboó queétdih át nemep wut jĩ. Pánihna, péeni yeó jáapdh queétdih búdí ã peéh chājnipna caá.\* <sup>5</sup> Pánihat pah muntih, Noéji jum láa Diosdh náahcannitdh peéh chājna, nihat queét yeejépwādh pobytjih át mawap wut jĩ. Queét ï túut nuumát pínah niijná, Noé queétdih áti bohénap wut yuh jĩ. Obohjeéhtih, ï jepahcatji jíib Dios queétdih át peéh chājav wut jĩ. Pánihna, Noéwādhjeh Dios ã túi ubuchah, queét ocho cáacwābitjeh ït túi yapap wut jĩ.\* <sup>6</sup> Pánihat pah muntih, Sodoma tútchidih moón Gomorra tútchidih moondihbut peéh chājnit, iigátjih át cáo beedánap wut jĩ. Pánih peéh chājna, túttimah jumnit yeejépwādhbut ã peéh chājav pínahdih jéihyana át chājav wut jĩ.\* <sup>7</sup> Obohjeéhtih, Lotdhjeh át túi ubup wut jĩ. Lot túini jumna, Sodoma tútchidih moón Dios ã wutatdih yap yohnit, tabit yeejép ï chājachah enna, búdí át jíghap wut jĩ.\* <sup>8</sup> Caán túini Lot queét túicannitjeh jumnit, yeó jáap jumap pah yeejép ï chājachah

\* 2:2 Jud 4      \* 2:4 Jud 6      \* 2:5 Gn 6.1-7.24; 8.18; 2P 3.6      \* 2:6 Gn 19.24; Jud 7      \* 2:7 Gn 19.1-16,29

ennit, yeejép ï wéhenachah joinítbut, búdí át jígahap wut jĩ. <sup>9</sup> Pánihna, Noéji, Lotjidihbut Dios ã túi ubatjidih náhnina, buu láabut biíc yoobó ã túi ubat pínahdih jwĩ jéihna caá. Áihwã yeejép ï yapachah ennit, jwĩ Maáh queétdih ã túi teo wáacbipna caá. Yeejépwãboodih nemat tólih panihpboó nemnit, peéh chājna caá ã chājap. Péeni yeó jáapdih, queét ã nemnitjidih iiguípna ã yoób yohbipna caá. <sup>10</sup> Bita yeejépwã ï en ñinahat pahjeh chājnit, Diosdih yap yohnitdih chah ã peéh chājipna caá. Páant yeejép chājnit, ñijeéh jumnit yeebdih yee bohénit ï jumna caá. Pánih jumnit, úumcan, tíccan, “Bita chah wã jéihna caá”, níj jenah joinít caá. Pánih jumna, ángelwãdih yeejép ípí naóhna caá.\* <sup>11</sup> Obohjeéhtih, ángelwãboó queét yee bohénit chah wēpnit jumna yuhna, Dios ã pebh ñuhnit, túicannit ángelwãdih ípí naóh yaccan caá.\*

<sup>12</sup> Queét yee bohénitboó nuñúpwã dée pah jenah joicánnit ï jumna caá. Jiaboó jwírpí bid juí maonit panihnit ï jumna caá. Jenah joicán, ï náahat pahjeh ï chājna caá. ï jéihcannitdih deohnit, yeejép ï wéhena caá. Páant ï jumuchah, nuñúpwãdih jwĩ mawat pahjeh muntih, Dios queétdih iiguípna ã yohbipna caá.\* <sup>13</sup> Queét bitadih yeejép ï chājatji jíib Dios queétdih ã peéh chājipna caá. Yeó jáapdih cáacwã queétdih ï enechah yuhna, tíccanjeh, búdí yeejép ípí wēi chājna caá. Yeebjéh ñi túi wēi jeéméchah, queét yeejépwãbut waadnít, ípí chājat pah tíc náah jumnidih chājna, ñi wēi jeémátdih ï yéejana caá.\*

<sup>14</sup> Yaáhdih en ñinahnit, ípí yeejép chājihna caá. Páant ï chājatdih ï jéih cádahcan caá. Pánih chājnit, Dios naáwátdih túi jéihcannitdihbut yeejép ï chājat túutna caá. Bíí déedih túbít bidnit ï jumna caá. Páant ï jummat

\* 2:10 Jud 8   \* 2:11 Jud 9   \* 2:12 Jud 10   \* 2:13 Jud 12

jíib, Dios queétdih bádí ã peéh chājbiḡna caá. <sup>15</sup> Pánih túini namádih cádahnit, déhenit panihnit biáboó bejna caá ĩ chāḡap. Balaam ã chāḡatḡi pah queétbut ĩ chāḡna caá. Balaam, Beor wūúh át ḡumḡ wut ḡí. Búdí jíib náahnit, yéḡ chāḡadih át beḡḡ wut yuh ḡí. <sup>16</sup> Páant ã yéḡ chāḡíhichah ennit, áih burro caandíh át ḡúihñḡ wut ḡí. Caán wéhecani ã ḡumḡchah yuhna, Dios caandíh át wéheat túutḡ wut ḡí, ã mínahdih ã ḡúihñat pínah niḡná. Páant ã ḡúihñḡchah ḡoiná, Balaam yéḡ chāḡadih ã beḡatdih át cádahap wut ḡí.\*

<sup>17</sup> Queét yeenitboó meo waócáh mac wiḡcanni panihni ĩ ḡumna caá. Meo mac wiḡcanni pah ḡumnit, dedé pínah nihcan caá. Pánihat pah mḡntih, mah tólihdih ḡohlit ã ḡb ḡoh boḡochah, mah ã buḡcát pah, queét yee bohénitbut cáacwādih teo wáaccan, dedé pínah nihcan caá. Pánihna, queétdih peéh chāḡnit, tubit dupúnapboó Dios ã beḡat túutḡipna caá.\* <sup>18</sup> Queét jéihnit pah cáacwādih ĩ bohénachah yuhna, ĩ bohéat dedé pínah nihcan caá. Nin pah ĩ niḡ bohéna yuh caá: “ḡwí náahat pah ḡwí chāḡachah, ã túina caá”, ĩ niḡ bohéna caá. Páant niḡná, Jesúsdih ḡáap jepahnit, ĩ yéḡatdih cádahnitboodíh ĩ ḡwúḡb yeeḡḡ chāḡat túutíhna caá. <sup>19</sup> Queétdih nin pah ĩ niḡ yee bohéna caá: “Dedé wutatdih jepahat ḡwíitdih ã náahcan caá. ḡwí weñat pínahdihḡḡ ḡwí chāḡachah, ã túina caá”, ĩ niḡ yee bohéna yuh caá. Páant niḡ bohénit, yeeḡḡ chāḡatdih cádahíhcan, caandíh ĩ jéih cádahcan caá. Pánih yeeḡḡ chāḡna, queétḡḡ ĩ míic yéḡjana caá. Pánihna, ĩ yéḡat ĩ maáh panihni ã ḡumna caá.\* <sup>20</sup> Queét yee bohénitboó ḡwí Maáh Jesucristo ḡwíitdih túi ḡbnidih jepahnit, nin baácđih moón yeeḡḡ ĩ chāḡatdih ĩt cádahḡḡ ta yuh caá. Obohḡéhtih,

\* 2:16 Nm 22.4-35; 31.16; Jud 11; Ap 2.14      \* 2:17 Jud 12-13      \* 2:19 Jn 8.34; Ro 6.6,16

páant ï cádahat túttimah, jwúub yeejép chājna, Cristodih ï jepahat pínah játih ï jumati chah yeejép pohba ï chājna caá.\* <sup>21</sup> Pánih chājnit, túini namádih ï waadcáh, chah queétdih áta túi tagaá. Caán namádih waadát túttimah, tac púud biáboó bejat pah, Jesúsdi ï cádahachah, chah ã túican caá. Pánihna, Dios túini ã wútatdih jepahna yuhna, caandíh cádahnit, jwúub yeejép ï chājachah, chah yeejép caá. <sup>22</sup> Pánih túut nuumná yuhna, jwúub yeej chājna, jwiít cáacwā nin jwī niiját pahjeh tigaá queét yee bohénit ï chājap: “Mujjió ã éegnijidih apí jwúub jeémpna caá. Muudih ï chocat túttimah, yeejép bepédih apí jwúub túpúna caá, páant muntih”, jwīpí niijná caá.\*

### 3

*Cristo nin baácboó ã jwúub dei jūúwát pínah*

<sup>1</sup> Wā oinitá, játih yeebdíh biíc núo wāát daác wahap jī. Pánihna, nin núodih yeebdíh buu wā jwúub daác wahna caá, páant muntih. Con láa wā daacátji pahjeh, buu láabut biíc yoobó yeebdíh wā náhniat túutna caá, yee bohéatdih joicán, yoobópdih ñi jéihyat pínah niijná. <sup>2</sup> Dios naáwát dih naóh yapanit ï naóh daacátjidih, jwī Maáh Jesucristo jwiít dih túi ubni ã wútatjidihbut ñi túi náhninaá. ã wútatdih jwiít ã naáwát túutnit yeebdíh jwī bohénap jī.

<sup>3</sup> Nindih ñi túi náhninaá: Péeni yeó jáapna dawá yeejépdih ñinahnit, Jesúsíh doonádih tubit deoh naóhniat ï jumtipna caá.\* <sup>4</sup> Nin pah ï niij deoh naóhbiipna caá: “Wā jwúub dei jūóhbiipna caá”, Jesús ã niijíchah yuhna, ¿dépanih tigaá ã jígochan? ã jwúub dei jūóhcan niít. Nin baác ã jwíih jumati túttimah, jwī nuowāji ï wunat túttimah,

\* 2:20 Mt 12.45; Lc 11.26      \* 2:22 Pr 26.11      \* 3:3 2Ti 3.1-5; Jud 18

nihat biíc yoobó páantjeh ã jumna caá”, ã niijbípna caá.\*  
 5 Páant niij deohna, nindih ã náhnican caá: Dios ã wutatjĩh  
 nin baácdih, jeádihbut ãt chãjap wut jĩ. Nin baác mahjeh  
 ã jumachah, caandĩh ãt wáac juyát túutap wut jĩ, baác ã  
 jígohat pínah niijná.\* 6 Pánihat túttimah, pobyitjĩh nin  
 baácdih moondĩh ãt yoh beedánap wut jĩ.\* 7 Pánih chãjna,  
 iigátjĩh ã yoh beedáat pínah játih, ã wutatjĩh muntih Dios  
 jeádih, nin baácdihbut ã wap jwuhna caá. Péeni yeó  
 jáapdih, caandĩh náahcannitdih peéh chãjnit, jeádih, nin  
 baácdihbut iigátjĩh ã yoh beedábipna caá. Pánih peéh  
 chãjna, queétdih iiguípna ã yohbipna caá.

8 Wã oinitá, nindihbut ñi túi náhninaa: “Mil jópchi  
 maatápdih caá”, jwiít jwĩ niij jenah joyóchah yuhna,  
 Diosboó ã enechah, biíc yeó jáap pahjeh caá. “Biíc yeó  
 jáap bahnijeh caá”, jwĩ niij jenah joyóchah yuhna, Dios  
 ã enechah, mil jópchi pah ã jumna caá.\* 9 Jwĩ Maáhdih  
 biquína nin pah ã niij jenah joiná yuh caá: “Dios ã niijátji  
 pah chãjat túut niijná, maatápdih ã páina caá”, ã niijná yuh  
 caá. Obohjeéhtih, pánihcan caá. Cáacwãdih túi ubĩhna,  
 caandĩh ã jepahat pínahdih pái jwuhna caá ã chãjap.  
 Biíc cáacdih iiguípna ã yohihcan caá. Nihat cáacwã ã  
 yéejatdih jígahnit, túiniboodĩh ã túut nuumát pínahdih ã  
 náah yacna caá.\*

10 Obohjeéhtih, nuumni cáac muú mínah ã náhnican,  
 nuumúdh ã waadát pahjeh, jwiítboó jwĩ náhnican, Cristo  
 nin baácboó ã jwúub dei jũóhbipna caá. Páant ã  
 jũúwúchah, búdí yáanit, jeáboó ã buudáh bejbipna caá.  
 Caánboó jumnit cúiwã, widh, yeobút ã iig beedáh bejbipna  
 caá. Nin baác, nihat ninboó jumni, cáacwãbut ã iig beedáh

\* 3:4 Ex 12.22 \* 3:5 Gn 1.6-9; Sal 24.2 \* 3:6 Gn 7.11 \* 3:8 Sal 90.4

\* 3:9 Ez 18.23; 33.11



bejbipna caá.\*

<sup>11</sup> Pánihna, “Nihat ã beedáh bejbipna caá”, Dios ã niijíchah joinít, yéejatdih cádahnit, Dios ã náahat pahjeh chājat caá jwiít dih náahap. <sup>12</sup> Jwī Maáh nin baácboó waícanjeh ã jwúub dei jūúwát pínahdih wēi páinit, táini-jeh ñi chājaá. Caán yeó jáapdih jeáboó jumni ã íg beedáh bejbipna caá. <sup>13</sup> Obohjeéhtih, Dios ã niijátji pahjeh nihatdih ã túut nuumát pínahdih jwī wēi páina caá. Nihat ã íg beedát túttimah, jáap jeá, jáap baácdihtubt Dios ã chājipna caá. Caán jáap baácboó túi chājnitjeh í jumbipna caá.\*

<sup>14</sup> Pánihna, wā oinitá, Diosjeéh túi jummat túut niijná, jwī Maáh ã jwúub dei jūúwát pínahdih wēi páinit, ñi túi chājaá.\* <sup>15</sup> Maatápdih ã jígochah ennit, nindih ñi náhninaá: Dawá caandíh jepahnitdih ã túi ubat pínah ã judh jwuhuchah, queétdih ã pái jwuhna caá. Bíic yoobó jwī dée jwī oini Pablodih Dios ã jéihyanachah, yeebdíh át daác wahap tají. <sup>16</sup> Páant míic caá Pablo Cristo ã jwúub dei jūúwát pínahdih naóhna, ãpí daác wahap. Biquí láana jwī beh joíca naáhdih ã daác wahna caá. Pánihna, Dios naáwát dih bita túi jéihcannit, jenah joicánnit, yee naóhna, Pablo ã daacát dih í túut nuumjéhna caá. ã daacát yoobóp dih ã jumuchah yuhna, mácah í jwúub naóhna caá. Dios naáwát dih í daácni núonajidihbut páantjeh mun tigaá í chājap. Páant í chājat jíib, Dios queétdih peéh chājnit, iiguipna ã yohbipna caá.

### *ã pée naáwát*

<sup>17</sup> Pánihna, wā oinitá, nihatdih páant ã yapat pínahdih yeebdíh wā naáwáchah jéihna, ñi túi chājaá. Yeejép wā

\* 3:10 Mt 24.43; Lc 12.39; 1Ts 5.2; Ap 16.15      \* 3:13 Is 65.17; 66.22; Ap 21.1

\* 3:14 Jud 24-25

yeebdíh mácah ĩ bohénachah yũhna, Cristoíh doonádih cádahcat túut niijná, queétdih ñi joicá bojoó. <sup>18</sup> Jwĩ Maáh Jesucristo jwiítdih túi ãbnidih chah ñi túi jenah joyoó. “Weemdíh búdí oinit, ã túi teo wáacbiŋna caá”, ñi niíj náhninaá. Yeó jáap jummat pah “Meém túini, chah wēpni caá ma jumap”, jwĩ niíj wēi naóh jĩh. Páant tíi ã jumũ nah. Páant bóojeh tigaá wã naáwát.  
Pedro

## Dios ã jáap naáwát tólih New Testament in Cacua

copyright © 2008 Wycliffe Bible Translators, Inc.

Language: Cacua

Translation by: Wycliffe Bible Translators, Inc.

### Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cacua

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 12 Mar 2019 from source files dated 5 Mar 2019

34c9543b-57a6-5290-ab7b-4fa15529a7e2